

خزینہ اوراق

نمبر ۸

جمعہ ایرتسی

تاریخ تاسیس
۱ مایس سنہ ۱۲۹۷

عمومی اعتباریہ فنونہ دائر رسالہ ادبہ در

آیدہ درت کرہ اولہ رقی جمعہ ایرتسی کونلری چیقار

رسمجیلری دخی بویله برکوزل اختراعدن استفاده بی تأخیر ایتیموب
عن قریب ذکر اولنان ماکنه لردن جلب واستعماله همت ایدرلر .

ح . ا

سامی پاشا مرحومک وفاته دائر عبدالحق حامد بک

افدینک مرحوم مشار الیهک مخادیمندن بریننه

یازدیغی مکتوب تعزیتدر

ایندی سرینی عظم تمیز

خامه حیرتی ایدم تمیز

نه صجیدرکه یازارمش ادم

تعزیتسامه تبریک آمیز

جهان ادیبانده قیامت قویوش بزم بوراده خبرمن یوق
انسان کامل صورتنده مجسم بر عصر عظیم معارف فنا آباد
ماضیه انقلاب ایتمش ادوار آتیه ادب سیرنک ماتم اولسه
بیچاره بالجه علما وادبا اغلاسونلر که قطب کریم و محترم لردن
دور اولدیلر بوندن بویله مکان مقدسی آراندقجه عرش
اعلایه باقلسون نام سامی مبارکی یاد اولندقجه الله الله دیسونلر
واه او بد بختان استقبال که تماشای لقای روحانیسننه مظہر
اولمده حق واه او مشتاقان دور حاضره که تجلیگاه فیض
ومعرفتدن محروم قالدیلر علما و فضلانک بدرقه دل اکاهی
ادبا و شاعرانک اک قدیم امید کاهی ضعفا و فقرانک اک بیوکه
پناهی نظر لردن نهان اولمش خدا پیلیر که بو مکتوبی کریان
کریان تحریر ایدیورم کوردیکم لطف و مرحمتلر الدیغم پند
ونصیحتلر او قودیغم درس عبرت لر اغلار کوزمک اوکندن بر

بر کذار ایدیور یا نصل اغلامیم که پدرمک بیک کره فوقنده
ایکن بنم کی بر فقیره پدر معامله سی ارزان بیورایدی بونده
چا کرلری دخی تسلی به محتاج اولدیغمه الله شاهد اولسون
اولکی راحتسزلقلری زماننده لسان کرامتلرندن صادر اولان
بر خبر او کرامتک وجودینه ظاهری بربرهان ایدی بو کره
ایسه عمر عزیزنک یادکار بهتریفی اتخاذ بیوردقلری مخدوم
ادیب ونجیب محترمترینک سورمست ومصاهرتنی کورر کورمز
ترک جهان فانی بیورمشلردر که نزد خداده اولان محرمیتلرینه
بر علامت معنویه در.

سور عالی دولترینک تبریکنی الله قارشو عهد ایش
اولدیغمدن ایضای تهنیه جسارت ایدرم یارب بونه رقت انکیز
مستردر شهر آیین سرورک لیلله ماعله محاط کورلمسی وچهره
امید نو حصولک کبرییه فاک الم اوله رق کولمسی نه حکمتدر
افجر نورایتدن صعود ایدن دود سیاه کیملره موجب اتباه
اولق ایچونددر مغفور مشار الیه هر کسدن زیاده معبودینی
سورمش که بزلری بویله متحسر بر اقدرق مرجع اصلیمی اولان
پروردکاره کیتدی الله ایسه هر عبدندن زیاده عبدالرحمن مشار
بالبنانی سورمش که جملة منک دوام مسرت و منونیتنه بدل
او جنتمکاتک حصول مرادینی تقدیر ایتدی اشته فقیرک حکم
ایده بیلدیکی حکمت بودر شمدی واجب تعالی حضرتلرندن
شونی تمنی ایدرز که مرحوم مشار الیهک ذات قدسیتی بارکه
کبریایه قرین و یاد سرمدی حزینی وجدان اسلامیتده دفین
اولدیفجه کافه اعضای خاندان عالیشاننی نعم والطف الهیه سته
مظهریتله سرور وشادان کورملم بوندن زیاده نه بنده کرده

تحریره مجال نده افندم زده قرائته حال اوله مامق امر طیبی
بولندیغدن اغلامق ینه اغلامق اوزره فریاده ختام ویریورم .

تصدیع ایسه ده بو آه و زارم
عفو ایله که یوقدر اختیارم
هرکیم وارایسه بوکون جهانده
نابود اوله جیق یقین زمانده
سن حکمتنه بندن آشناسین
مستغنی عالم فناسین
بندن سکا تسلیت نه ممکن
کیم بنده ده وار اوحزن مزمن

عبدالحق حامد

کاظم پاشا حضر نرینک ساقینامه سندن

مابعد

اولسون ترانه نا . محسود نفخه صور
ایتسون بیاله می . شرمنده آفتابی
غم ترک عالم ایتسون . زندان پر نغمدر
طورسون شهر دوار . دوران جام جمدر
ساق بیاله لرود . بر لاله زار کوستر
عرض ایت جمال پاکک . باغ و بهار کوستر
ساق الکده ساغر . عزم ایله بزم نوشه
چوق نخل طور سروی . اتش نثار کوستر